


藤山志

林笑山  
署笈

地 733.1  
46.92



册数 1  
售价 15.0  
福州大学图书馆

## 重脩藤山志序

福州西湖志之成重水利也而侈游觀者次之其重修也乃本於姚循善簡略之撰述吾鄉藤山志之作  
重人紀也而詳景物者次之今之重修乃本於鄉前輩鄭思銓集錄未完之遺稿信乎著述成書之難  
矣藤山僻在南臺島東北其地之所屆不及十里漢時草萊未闢荒山而已梁天監間乃建大叢林至  
晚唐始有居民自宋南渡後以迄元明清戶口日增人煙稠密矣藤山舊志創於清代中葉越百有餘  
載板本燬於兵燹區區所存可爲根據者鄭前輩手錄不全之稿耳而省志府志縣志中關於藤山一  
隅均略而未有詳述較之重修西湖志則又難乎其難同人等益懼其久而並此未完之稿而失之  
更無所按以修斯志僉議浼余肩斯責辭不獲已乃集合同志爲之定凡例搜羅有關於藤山之紀載  
者悉心采摭其文有不雅馴涉於神話者刪之有其事得之傳聞揆諸理而未可盡信者汰之有事實  
不完備其見於他書可證明者取以補之有爲昔之所創建今竟催毀無餘者必存其名與地以期將  
來之規復有舊志所未收爲近數十年來其人其事足以風世者必特書之以資後人之矜式有生長  
及久居於茲土其爲事與復興民族有關者必詳其事實姓名以爲後進之模範總之欲以振衛國保  
族之精神樹立懦廉頑之準的是則爲修斯志者之微旨也爰類集之得千綱百目後之覽者其有所  
考焉是爲序

# 重脩藤山志目錄

## 卷首

序 題名 目次 凡例 圖

## 卷之一

區域志 形勢 疆界 山川 扛梁 水利 田畝園池 地名沿革

## 卷之二

名勝古蹟志 殿 廟 塔 樓 橋 寺 園 居 軒 亭 堂 齋 潭 院 浦 井 祠 石坊 池宅 泉 墓

## 卷之三

民族競存志 明嘉靖倭亂最後之殲滅 辛亥光復藤山爲福建革命策源地 革命功勛 抗日戰爭 烈士

## 卷之四

文化志 學校 圖書館

## 藤山志

目次

一

福建出版社承印

## 卷之五

善舉志 救火會 慈幼 公墓

## 卷之六

人物志 鄉賢 技術 孝子(孝友附) 忠義 鄉行 科第(仕績附) 武科 隱逸

## 卷之七

烈女志 殉國 賢淑 孝女 孝婦 節烈 節孝 一門三節 一門雙節 貞節

## 卷之八

藝文志 著述 贊 傳 輓章

## 卷之九

禮俗志 冠婚喪祭 歲時伏蠶(行香附) 衣食住行(起居)

## 卷之十

叢錄 中外公署 外交 外教 榮典 耆壽 名僧 蛋戶 貧民生活

# 藤山志

## 凡例 二十四則

- 一 藤山位於南台島東北隅之一部其山脈大半屬於福州市而港頭以下至美墩至半洋亭則屬於林森縣故不言隸屬何縣而僅稱曰藤山
- 一 本志分爲十綱百目
- 一 形勢根據山脈之所及與天然之地勢而謂爲人形舊志言之綦詳特依照之
- 一 疆界以前清時代時昇里圖冊所載爲根據
- 一 名勝爲史乘所載名人所歌頌者今皆燬滅無餘姑錄之以誌滄桑之感
- 一 古蹟化爲民居者十之八九然皆名人所建置姑錄之以資紀念
- 一 民族競存爲世界各國所傾向本志立此一門所以振發民衆之愛國心而求其永久存在也
- 一 鄉賢一門必有事實可徵經奉詔入祠或地方官檄祀者始能列入
- 一 孝子一門必經奉旨立坊或地方官紳題贊及傳記或輓章者始得列入間有貧窶子能孝而爲鄉黨所共稱歷百年而口碑尙在道者亦能列入
- 一 孝友一門經奉詔旌獎者固當紀載其未經旌獎而事實確鑿者亦登記之

## 藤山志

凡例

福建出版社承印

- 一 鄉行一門凡爲一鄉之善士而經奉詔旌獎者固爲名稱其實然有一善可揚而無其他之敗德且爲鄉人所稱道者亦附其中所以維風化而勵後人也
- 一 科第一門錄至貢生止以有登榜者爲根據惟五貢之中恩貢歲貢無榜可稽最易遺漏今只就舊志所載而紀之其餘未經其子孫報告者姑闕之以俟將來
- 一 科舉未廢之前讀書人入泮者多惟歷年已久無從稽考故不錄而納粟捐監生者雖得一體鄉試而較之入泮者更無從稽考亦不錄
- 一 舊志所載鄉飲大賓鄉飲耆賓及孝廉方正在前清最濫只要鄉人士左右鄰證明費數金向布政司房科報名即給冠帶榮身此與捐納之例相同概刪之
- 一 節孝貞淑在婦女最爲難能可貴舊志所載照錄之然僅至前清中葉止而百餘年來完節全貞盡孝能淑者亦不少其已經旌獎者固應詳細紀載即貧寒之家未及報案者果經採訪確實亦必爲之登載藉以發潛德之幽光爲後人所矜式惟其間事實詳盡者記其事實而代遠年湮未能詳盡者亦記其略歷及其姓名用以慰幽魂也又其中分爲節烈節孝貞節三月似乎相類然舊志所載凡夫死慷慨捐生以殉夫者謂之節烈逮事翁姑夫死而能代供子職者謂之節孝夫死能爲夫撫育遺孤者謂之貞節謹依之以資區別
- 一 藝文一門必擇其有關忠孝者錄其傳贊及輓章其餘則僅記其所著之書名

- 一 舊志所載之神話連篇累牘概皆不見經傳無從稽考刪之
- 一 文化隨時代而變遷本志僅就現代之教育紀之藤山周圍不及十里所設學校自幼稚園至研究院計有三十所而教會所設之神學院尙不在內教育之發達爲所僅見亦本志之特色也
- 一 善舉一門擇其經辦數十年有著成績而始終不渝者紀之所以表行善之真心也
- 一 禮俗志中行香一條爲勝倭紀念日之變相特詳記之使後人不至遺忘
- 一 凡不屬於各門者皆編入叢錄中
- 一 各條中有參加已見以者按字以別之
- 一 本志開始編纂之時卽行刊登廣告徵求材料旋復印刷啓事附以表格分送各鄉人士請其投稿又經探訪員踵門面陳而其間尙有未寄稿者復函催之而稿仍未至如是者半載有奇本志守寧闕毋濫之旨對於有機構而未詳其事實者祇紀其名稱以俟將來續修者補詳其事實
- 一 修志時期始於民國三十六年農曆十二月迄三十七年七月凡八閱月

## 藤山志

凡例

二

福建出版社承印

# 藤山志卷之一

## 區域志

形勢  
地名沿革

疆界

山川

紅梁

水利

田畝園池

## 形勢

藤山古名瓜藤山在昔土人墾地輒得紅色土瓜（近十餘年尙有在岑頭掘得者）瓜有藤以是而得名在福州時昇里距城十里許源出銅鈹舊志云藤山形勢酷似人形斯言也雖近於形家然綜全部而觀之其形勢之似人瞭如指掌矣

山脈由西北來首注於中洲中洲昔爲要塞今爲商埠藤之首區也故曰藤之首

江南橋建於元朝北接中洲南連觀音井雖隔一衣帶水而其山脈直貫於倉前山故曰藤之項

江南橋之東曰觀音井大嶺番船浦其形如肩自海禁開放以來闢爲通商口岸其地臨江工商僑集人民之生活足社會之經濟舒而國帑亦因之而裕誠一擔負財力之要區故爲藤之左肩

葛蒲墩港頭中墩美墩阡陌交通其形如臂今則工廠林立工人終日勤劬有手不停工之概故曰藤之左手

東窰山后藤山陳家山爲藤之左脅

迤西有倉前龍潭角黃栢嶺上渡自古以來閩省之木與鹽皆聚貨於其地爲工商業之樞紐故爲藤之

## 藤山志

卷之一

福建出版社承印

## 右肩

嶺后對湖程埔頭雁山莒山在倉前山之西北麓爲有力之山臂故爲藤山之石手

蒲嶺潘家山爲藤之右脅

正中有天寧山梅塢大帽山李家山盧家山委蛇嶺（即小嶺）其中名勝天禪曉鐘梅嶺冬晴昔人謂爲瓊花玉島故曰藤之胸

自小嶺至觀橋亭夏屋渠渠鱗次櫛比民有淳厚之風里有援助之義是爲藤之腹

龍津浦在觀橋之下源自閩江潮汐奔流直貫於牛眠走馬兩山之間有玉帶環腰之象故曰藤之腰  
龍津浦至三叉街分爲兩路偏右有鰲頭境（即埔頭下）爲藤之右足偏左有萬安境（即埔尾）爲

## 藤之左足

鰲頭境之右突起一峯曰走馬山爲迴顧峯藤之案也其似人形有如此者

## 疆界

藤山在南台島之北北東環水西南倚山其四至北則中洲與閩江隔界東極閩江之濱西以湖裏諸山麓爲界南至半洋亭綠野寺周圍不及十里中有支山十九水道四此全藤四周之疆界也

## 山川

舊志云藤山脈首注於中洲洲爲堅石所凝結突兀水中如小阜然由閩江東流直下爲榕垣南台島



之中樞自元明以迄清初皆視爲要塞防守茶嚴遂於對山設煙墩焉煙台山爲藤山最高處因設煙墩而得名山之東有蓮嶺一名高峯今日大嶺明萬歷時始開爲路其北麓爲番船浦下連莒蒲墩港頭中墩美墩皆屬閩江之濱番船浦後有菜園山昔爲保慈寺僧人種菜處與種茶之茶園山相對峙皆屬於東窰山東窰者昔人燒瓦處也再南有后藤山鄉賢蔡瑞卿墓在焉山之南曰陳家山中有鶴山在陳鳴揚宅後鳴揚生時其父夢鷹入室化爲鶴遂以名其宅後之小山迄今數百年仍沿其名煙台山之西曰梅塢曰大帽山（俗呼麥園頂）曰天甯山（一名天禪山）曰黃栢嶺統名曰倉前山折而西南曰牛眠山（一名蛟尾山）藤之濟陽蔡氏榮陽鄭氏之墓山也再南曰程埔山曰雁山曰葱山（亦名昌山今則訛爲象山）明朝進士李榮擇葱山與大帽山之間曠地營爲墓田因名之曰李家山萬歷間濂江林氏得山之半營爲墓榜眼林枝春其後裔也再南爲蒲嶺山昔時嶺上皆蒲因以命名今蒲盡矣以音同之故遂訛爲埔頂山山與潘家山相毗連元朝潘姓農人遷藤購小嶺至蒼頭偏西之山麓墾爲田園遂稱爲潘家山

正南越達嶺百餘武復隆起者曰雁峯其形似雁左翼接達嶺右翼接雁山首垂窰下井尾在天甯山有不沙落雁之象故名南爲盧家山鄉賢盧玉溪墓在焉再南爲小嶺（一名委蛇嶺）直趨而下爲走馬山鄉賢吳開過墓在焉走馬山昔名鰲頭山明時鄉人掘地得一石碑文曰「走馬山前看走馬番船浦內泊番船」清道咸間番船浦開爲商埠光緒初元洋人租田三百餘畝築爲跑馬場因改名走

### 藤山志

卷之一

二

福建出版社承印

#### 馬山而碑文成識語矣

#### 杠梁

江南橋在鹽倉前俗呼中洲橋又名小橋（見通志）昔爲浮梁繫舟設版以渡行人元初由船戶集資以木爲之施氏筆記云明洪武間鹽商設鹽倉於對岸故謂之倉前橋萬歷三十七年五月洪水爲災木橋盡圯鄉人及各船戶集資修繕橋門分爲九道石五本四清乾隆辛未七月大雨上游溪洪下注橋又圯福清何長浩之子際遠際選兄弟解囊任其役盡易以石長四百四十尺基址廣三十八尺橋面縮小三分之二費銀一萬一千五百兩有奇（見潘思榮筆記）工程堅固歷久不壞民國二十年建設廳嫌其狹窄擴而廣之易以水泥即今橋之面也

觀橋一名龍橋在龍橋北境通衢明洪武三年造石橋於龍津浦上以通興潭泉各府往來之遺隆慶五年重修今則浦塞而橋亦變爲平地矣

柴浦橋昔名壺瓶橋爲田墾下與中墩美墩通行之橋梁長丈許以石鋪之販賣薪柴之船齧集浦內故名

#### 水利

烏橋位於白湖亭左側爲藤山及雙湖灌溉田畝惟一之水利水源自烏龍江經螺江橫龍港曲折達烏橋蜿蜒十餘里路長港小天旱則潮水不敷應用洪水則積潦不易退落民國十九年藤人陳揚勳陳長

和下湖鄉人張力農林起江程埔頭鄉人鄭冬桂程厝邊鄉人王成鳳王仲華王鴻祥首山鄉人陳世傑齊坑鄉人齊述皋北園鄉人王漢傑王飛鵬高湖鄉人鄭崇甫等與建設廳長江屏藩水利局長嚴漢民協商勸諭鄉民勿泥定湖帶風水迷信之說官紳合力開濬疏引閩江潮流直達烏橋與螺江之潮汐交併路短潮足雖遇溪洪亦易消退而由閩江船行至烏橋亦一潮可達至今鄉人稱便焉

按舊志載藤山水利曰游道浦者即此也

龍津浦爲閩江之港汊明洪武三年間引大江之潮汐過觀橋達於走馬牛眠二山下藉以灌溉田畝今則田畝化爲民居水路填爲陸地而浦之盡頭處僅至觀橋殊令人有滄桑之感焉

壺瓶浦卽柴浦在登龍境郊外水由閩江來環曲如瓶故名田畝皆資以灌溉今猶存

官溝爲龍津浦支流清康熙時鄭士景開爲灌田之用且可行駛小船三百年來漸次填塞今則僅留一線藉以排洩清安清泰各境之污水其臭味不可近人可慨也夫

#### 田畝園池

藤山範圍內田畝園池滿清時載在時昇里糧冊者有田一千三百餘畝園一百三十餘畝池二十餘畝自海禁開後倉前山爲外人居留地番船浦開爲通商口岸商賈集成爲繁盛之區外鄉人遷藤者不知凡幾而化田園爲廬舍者亦不知凡幾試環藤而觀之僅見菖蒲墩至美墩一帶埔頭下至綠野寺一帶田及洲田數百畝而已

## 藤山志

卷之一

三

福建出版社承印

#### 地名沿革

上渡與下渡宋元以前萬壽江南兩橋未建凡欲往對岸蒼霞洲以上各地者須在上渡呼渡欲往對岸及南鄉一帶者須在下渡呼渡兩處遂因此而得名

唐末宋初居民鮮少宋趙南渡之後避亂者漸次遷藤至元朝始成村落由是合百家爲一里社旋改里社爲境其時上渡曰檀越境磁窰境中龍境嶺后對湖程埔頭皆曰雲應境中洲曰南洲境觀音井曰濟川境倉前曰龍峯境梅塢曰梅峯境大嶺曰龍江境塔亭曰雁塔闔境雁塔勝境雁塔福境番船浦曰臨江境下渡係一統名中分爲清安境清泰境登龍境義安境東安境興義境龍橋北境龍橋南境鰲頭境萬安境清乾嘉時人口增加復增新登上境新登勝境新登福境新登義境菖蒲墩曰臨江勝境港頭曰萬安上境中墩曰萬安中境美墩曰流澤境至道咸時人煙更密鰲頭境分爲鰲頭闔境鰲頭勝境東安分爲東安正境東安上境以上爲舊名今猶沿用之

民國以來警察局編制地名中洲曰中洲路觀音井曰觀井路倉前曰倉前路下渡則改爲上藤路中藤路下藤路其餘各地不過照舊名加一路字而已而民衆則仍沿用舊名云

# 藤山志卷之二

## 名勝古蹟志

殿 壘 塔 樓 閣 亭 堂 齋 院 祠 坊 宅 墓  
廟 庵 樓 閣 居 軒 嶺 潭 浦 井 石 池 泉

聖人殿 在小嶺之麓明社學所建也福建通志載明洪武八年詔民間立社學許建聖人殿榕城內外共有十七所崇祀至聖先師四哲十配一殿巋然周圍百畝有射圃學舍池樹田園讀書人絃誦講習朝夕於斯文風因之而盛明嘉靖戊辰燬於倭寇寇滅為鄉蠹陳某冒為己業轉售他姓其地盡失弘治時鄉宦鄭濬等清查舊址重新蓋造社學復興迨後又為僧道所盤據雜事佛老崇禎十二年鄉宦周之夔等出而廓清宮牆贖回兩旁空地作櫺星甬道建特祠於其旁宗祀鄉賢盧玉溪吳開過蔡瑞卿陳紀陳勳滿清入關又為南寇所燬社學為墟祇餘外面紅牆鄉人遂目為紅牆古蹟自是之後左近土豪蠶食鯨吞土地日削民國初年祇餘數畝鄉人建為店屋歸藤山救火會管理而紅牆古蹟之名不復掛人齒頰矣

中洲砲壘砲城 福州通志城池志載有中洲砲城藤山舊志載中洲在藤山之北為藤山山脈首注處元時視其地為要塞築砲壘砲城駐兵以守明仍之又立塘汎自中洲至烏橋謂之下渡塘清初防守仍嚴砲壘砲城修葺鞏固領以千總而砲城附近設關權稅清道咸後毀砲壘猶留砲城為巡防所名曰中洲汎未幾改為釐金局砲城亡矣

## 藤山志

卷之二

四

福建出版社承印

煙墩 自元末迄清初中洲設有砲台砲城因於隔江藤峯絕頂設立煙墩以為報警之用遂名其山曰

### 煙台山

戚恭懿將軍故壘 營房在雁峯之麓為戚將軍剿倭駐兵處將軍坐騎之馬廐在營房附近即今之馬房裏養軍馬處在程埔頭即今之馬廠街

延壽塔 在雁峯順懿廟前孝女陳三娘建（見本志孝女條）

梅塢 在煙台山旁梅塢多晴為南台八景之一明朝自梅塢至程埔頭周圍十里遍地皆梅冬日賞梅者相望於道徐幔亭詩「十里花為市千家玉作林」即詠此也崇禎甲申明社為墟南寇竊據是塢擄掠姦淫無惡不作寇退焚梅成爲焦土自是夷爲民居而梅亡矣

天甯寺（俗呼爲天安寺）亦曰天禪寺天禪鐘爲南台八景之一三山志云宋崇甯二年詔諸州建崇甯寺祕監王祖道守是郡創於浮橋之南危巉百級波光入戶真江南之勝也四年落成政和元年勅改天甯萬壽禪寺紹興十三年改名光孝寺福州府志載光孝寺在會城外南五里之天甯山宋學士王祖道律藏六菴雙江台資政殿洞霄宮學士李郁建而福建通志則謂藏六菴來薰亭宋王之望建八閩通志云海月亭元延祐四年運使孛兒伯台重建閩都記云來薰海月二亭今皆廢爲鹽倉閩書云天甯台自橫山南渡三橋爲天甯山山有台曰天甯台俗名鹽倉山又名掛榜山省會第一案也乾隆福州府志載天甯台宋政和初建旋改爲真武廟今改爲雙江台閩都記云四極堂在先孝寺

內宋李綱曾題詩其中三山志云松風堂宋丞相李綱居於光孝寺方丈之東得數楹與山巔齊青松千蓋榜曰松風有李綱自題詩今則改建天安小學惟雙江台獨存讀陸放翁遊天甯寺詩「寺樓鐘鼓催昏曉墟落雲煙自古今」十硯老人宿天甯寺詩「雙江興廢眼一榻占今心」有不勝今昔之感焉

保慈寺 在東甯山之麓俗名大廟梁天監時建寺東有總管廟廟前有池即寺之放生池北有菜園山南有茶園山爲僧衆種菜種茶之處茶園山後有護龍庵寺址廣大橫貫藤山之脊越小嶺而抵蒲嶺蒲嶺之金剛地伽藍廟即其山門也清初改爲靜慈寺今則破屋數椽僅蔽風雨而護龍庵則改爲舍人中心學校小嶺開爲通路金剛寺徒有其名惟伽藍廟尙存寺址百餘畝皆化爲民屋矣

綠野寺 在半洋亭昔爲大叢林今則僅餘三楹寺前有亭爲遠行者休憩之所

獨立廳 在鷲場嶺下即橋南公益社民國元年 國父至榕親筆書此懸於社所（詳細事實見本志民族競存志福建爲革命策源地條）

草亭 在新登勝境鄉賢盧玉溪講述堂也（事實詳於本志鄉賢條）今燬於火而其地仍名爲草亭裏

青白亭 在龍橋南境陳家四美園先儒王博齋讀書處也今沒

芳草亭 在龍橋南境

## 藤山志

卷之二

五

福建出版社承印

塔亭 在延壽塔旁爲遠行者休憩之所今則亭廢而名存

觀橋亭 在龍橋北境通衢明洪武三年建明代以前屋宇不在山上立亭中可觀萬壽諸橋故名

講述堂 在新登勝境草亭裏鄉賢盧玉溪講學處今燬於火

憶慶堂 在清泰境孝子王傑建南湖鄭蘊中有記（事略見本志孝子條）

樹萱堂 在清泰境王常建二山林誌有記（事略見本志孝友條）

聞過齋 在鰲頭境鄉賢吳海讀書處今沒

雁峯書院 在雁峯山半爲士子會文處明崇禎時建

古榕書院 在巷下廟左旁明萬歷間林姓捐地建爲士人會文之所門前有榕樹三株大可合抱至今

猶存

十境祠 自唐末以迄宋初藤山居民鮮少不成村落宋南渡後避地遷藤者漸多至元朝始成爲十里社旋即易名爲十境曰清安清泰義安登龍東安興義南境北境鰲頭萬安共建十境祠於萬安境即今之萬安廟地址狹大殊不雅觀元至正時鄉人潘開山獻地爲祠十境釀金落成之內建三殿殿前一庭縱橫數丈外庭亦然庭壽有題名亭亭外爲大門殿後曰藤山書院圍以短垣垣外爲圍危樓高聳爲奎光閣清嘉慶時圯於風今則亭閣俱廢祠之全座改爲藤山小學大門外空地改肆藤山救火會而十境祠則成爲地名云

朱子祠 在東窰衙今爲中心學校

五賢祠 在萬安境祀宋儒胡安國及子甯宏寅從子憲清康熙四十五年賜額乾隆三年巡撫盧焯重

修嘉慶二年燬於火

開闢王祠 在清泰境以開拓閩疆有功立祠祀之

蔡忠惠公祠 在清泰境以建洛陽橋有功於社會立祠祀之

周氏宗祠 在清泰境周家衙又一祠在南境

鄭氏宗祠 在清泰境

胡氏宗祠 在萬安正境

盧氏宗祠 在萬安境

趙氏宗祠 在嶺后

林氏宗祠 在上渡竹欖裏今爲國民學校

劉氏宗祠 在太平衙

李氏宗祠 在新登上境

沙堤陳氏宗祠 在新登勝境

慶元陳氏宗祠 在清安境

### 藤山志

卷之二

六

福建出版社承印

田墘陳氏宗祠 在登龍境

江南陳氏支祠 一在塔亭後窰下井南偏一在三叉街

林氏宗祠 在三叉街

孝子坊 在小嶺東窰山麓今則坊圯久矣孝子名朱應冬（事略見本志孝子條）

百歲坊 在鰲頭境

雙壁坊 在清泰境大巷口救賜鄉賢陳紀所立之坊也今沒

進士李榮坊 在馮巷舖通衢今廢

盧玉溪宅 在吾傳巷

吳海宅 在鰲頭境今沒

朱孝子應冬宅 在登龍境

羅孝子孚高宅 在濟川境

蔡秋卿宅 在清泰境

陳勳宅 在清安境

周之夔宅 在清安境

盧玉溪墓 在新登上境盧家山

吳聞過墓 在走馬山鷄心巒其母墓亦在焉

蔡瑞卿墓 在后藤山建設廳以鄉賢之故特給證書保存之

鄭慶墓 在蒲嶺

鄭羽儀墓 在蒲嶺

何大奎墓 在新登上境柯氏園今沒

潘常墓 在興義境

鄭霖溥墓 在牛眠山

蔡常春墓 在牛眠山

郭太監墓 在達嶺又名高峯今日大嶺在藤山東北突兀聳削樹林陰翳後連梅塢前臨番船浦人踪罕到惟樵牧時一登焉明中葉郭太監營爲墓並樵牧亦禁之萬歷時始開禁鑿山爲路漸有人居今則商肆林立而郭太監墓沒矣

林森公園 位於倉前山南麓面積平廣崗巒環抱空氣殊佳清光緒初元歐美人來閩通商者以倉前山爲居留地西人性善賽馬未有場地清吏昏憤擇是處民田撥國帑強購三百五十餘畝闢爲場媚之年收租銀一千兩而管理權則屬於英人禁止華人入遊人呼之曰跑馬場每年春冬兩季爲賽馬之期由英領事函邀清吏蒞場觀賽宴以西饌醉以旨酒鎮閩將軍崇善願而樂之乃對英領事云此

## 藤山志

卷之二

七

福建出版社承印

後地租免納留作充賞可也而地權無形中損失矣至民國三十一年元旦由福州各界人士收回組立國際聯歡社三十二年秋改建林森公園用以紀念功在黨國之林故主席焉

麥園 俗呼爲麥園頂在梅塢南其地端平如帽故名爲大帽山昔時四圍松樹森然排列直至山下望之如層級可數爲鄉人暑天納涼之所清乾隆時地主鄭姓開糞窖於其中鄉人不平購以重價作爲公地謂之大王地租人種麥名之曰麥園頂泐碑紀之（碑藏十境祠右牆間）咸豐末被無賴子盜賣於英人起蓋經閩鄉叩開始得判回今則改建獨青小學云

白馬王廟 在走馬山閩越王郢第三子射鱗以除民害有功於社會人民立廟祀之（見通志）

順懿元君廟 俗呼臨水奶廟在雁峯之巔今爲馮泛高救火會

天后宮 在大嶺北麓附有舍人廟遂稱其地爲舍人廟

關帝廟 在龍橋北境通衢清康熙癸卯里人林有莘建乾隆二年圯於風三十三年重建

鄒奶廟 在倉前街今爲閩南救火會

伽藍廟 在蒲嶺

玄壇廟 在小嶺清安境西偏陳家園前今廢

馬王張元帥廟 五代時建於葱山尾明萬曆時移建於馮巷下俗呼爲巷下廟

按六朝以閩爲牧馬地於是有牧馬之官又稱爲牧馬王此廟冠以馬王二字者謂牧馬之王也稱張元帥者謂姓張名普任元

帥之職也然省府縣各志皆無可考而吾藤鄕石文前輩所撰碑文亦云未列志乘其始好事者之所爲歟

明真庵 在梅塢旁當梅未燬之前冬日觀梅者輒以此庵爲休憩之所迨梅爲南寇所焚而庵亦同付

一炬後經鄉人重建泐石牆上書曰明真古蹟至今猶存

護龍菴 在東審衙今爲舍人中心學校

崇聖菴 在天甯山東偏山半

龍津菴 在觀橋亭祀儼神今改爲國民學校

靜菴 在萬安境東偏亦曰種福堂今爲佛教所據

昨非菴 在蒲嶺明鄭瑄讀書處耿變時燬

半董樓 在北嶺詒穀園清道光時建鄭沛雲讀書處也

弋山樓 在龍橋北境洪園居之北今沒

延曦閣 一名寄菴在十境祠衙陳家園鄉賢陳元凱讀書處也今沒

玉皇閣 在興義境通明巷原祀玉皇後改爲警察所今爲佛社所據

洪園居 在龍橋北境熬園清康熙時王貞侯讀書處也今沒

獨坐軒 在龍橋北境熬園今沒

黃栢嶺 在倉前山之西有真武廟觀音亭龍泉庵望北台陳守約宅皆明時建

## 藤山志

卷之二

八

福建出版社承印

龍潭角 在黃栢嶺下水深莫測相傳潭下有龍有閩山法門皆無稽之語也

番船浦 在臨江境舊名上王明宏治十一年鄧太監來閩督泊貪受番人厚賄以爲上王地方淤泥堆

積僅丈許之廢地許與番人開墾新港以便番船來往寄棹停泊謂之番船浦至萬歷時其地漸成洲

田漸可播種而番人亦愈延愈廣清康熙時丈量田畝編入月字田冊今則田化爲屋成爲通商口岸

矣

龍津浦 在龍津庵旁明洪武時鑿爲藤山水利之一

觀音古井 在倉前山北麓背山面水滿地泥濘昔爲停泊渡船之江岸清康熙時始有民居漸成市集

道咸後海禁大開該地與番船浦毗連遂成一大商埠街心有觀音亭亭前有一古井遂名爲觀音井

七星井 一在小嶺玄壇衙陳家門前一在清安境通衢慶元陳氏宗祠對面一在清泰境周家衙內周

氏宗祠前一在興義境通衢通明巷對面一在埔尾通衢餘二井無可考五代時建亢旱不竭

二塊石 在萬安境郊外漢武帝時閩越王郢侵南越朝廷命將伐之郢弟餘善殺其兄以降郢將侯馬

吳顏四人自殺於二塊石其石至今猶存

七星池 在程埔頭

瑞泉 在走馬山白馬王廟旁泉水清冽亢旱不竭

特載

按脩志甫竣鄉人來商設立「修建藤山鄉賢祠籌備處」議決於走馬山白馬王廟中騰出一座爲鄉賢祠現已積極進行爰於本志名勝古蹟志之末頁詳記其顛末稱之曰特載以示崇敬之意（民國三十七年農曆八月吉日脩者識）

藤山鄉賢祠 地址在走馬山鄉賢五人一在宋朝四在明朝（事略見本志鄉賢條）明崇禎十二年鄉宦周之夔等建特祠於聖人殿左旁旋因甲申之變爲南寇所焚燬（事略見本志聖人殿條）清乾隆時紳士陳鳴瓊周雲鵬等復附設於朱子祠未幾又毀迄今百餘年無復建者鄉人士爲改善風化之故羣起提倡爰於走馬山白馬王廟中騰出一座重加修葺立木主以供春秋祭祀並請政府立案茲將五賢姓名列左以供後人之景仰

盧標字孝孫號玉溪宋朝奉旨入鄉賢祠

吳海字魯客號聞過明洪武時奉旨入鄉賢祠

蔡瑞卿字子仁號靈岩明景泰時奉旨入鄉賢祠

陳紀字叔振號省庵明弘治時奉旨入鄉賢祠

陳勳字元凱號景雲明萬曆時學使岳某檄祀鄉賢祠

# 藤山志卷之三

## 民族競存志

明嘉靖倭亂最後之殲滅 辛亥光復藤山爲福建革命策源地 革命功勳 烈士 抗日戰爭

### 明嘉靖倭亂最後之殲滅

明嘉靖四十二年冬倭寇陷興化府總兵俞大猷副總兵戚繼光擊破之倭竄福州戚將軍率師追擊倭寇死亡殆盡餘孽三千餘人竄於高蓋山過藤時逢人便殺被難者不知凡幾戚將軍進駐於藤山雁峯之麓其地勢有後達嶺前有大叢林保慈寺橫貫小嶺以爲屏蔽遂設營房馬房而大隊軍馬則設馬廠於程埔頭其時藤山居民稀少通行之路由梅塢過窰下井轉田墘下至埔尾埔頭下出郊外數里至高蓋山是年臘月出師圍高蓋山至半洋亭綠野寺因恐士氣不振遂下令休息將軍手持制錢百文告軍士曰此間菩薩威靈顯應吾將卜之倘百錢皆仰者則戰必勝人寺擲之果見百錢皆仰全軍喝彩奮勇直前進軍圍之殘寇三千餘人盡數殲滅倭亂自此平靖矣凱旋時過綠野寺拾錢視之則百文錢兩面皆仰舉軍大笑雖曰用術亦行軍者通變達權之一道也迄今四百年戚將軍之營房裏馬房裏馬廠街其地名猶存焉

### 辛亥福建光復藤山爲革命策源地

清政不綱滿人剛毅等倡言「國土甯贈友邦不與家奴」之說香港台澎既割於前復將旅順大連膠

## 藤山志

卷之三

十

福建出版社承印

州灣威海衛廣州灣鼓浪嶼諸要港租借強鄰而建設鐵路開採礦產之權贈與各國者亦時有所聞國父憂之提倡革命各省響應雲起而吾閩寂然無聞藤山志士鄭權鄭祖蔭蔡人奇等於民國前十年二月廿七日假座藤山小嶺朱子祠（即今之舍人中心學校）以祭孔爲名開會演說到者數十人以風氣未開成果極微復由鄭等借馮巷鋪之古榕書院組織益聞社閱報所爲革命秘密機關其時加入者林繼芳陳能光林笑山王藹盧謝銓庭李藩林溫如嚴漢民劉元棟民前九年創辦益聞兩等小學移所於朱子祠廣招學生灌輸革命思想其時鄭權蔡人奇同赴上海與林森史家麟江屏藩潘訓初等十餘人成立福建旅滬學生會爲革命機關分設支會於藤之古榕書院以益聞同志全體及林爲楨劉通呂湛莊琳孫東擎趙文榜爲中堅繼益聞小學之後由林澤人王鴻滋劉翰侯陳秀榕劉通等合益聞全體同志以辦理去毒爲名設立橋南公益社而革命秘密機關由益聞社遷於橋南社創辦建言報劉通任總編輯張海珊葉慕儀爲編輯專以鼓吹革命喚醒國民使咸趨於革命之途爲職責同時鄒燕庭林溫如等聯絡會黨創立共和山堂由林溫如嚴漢民劉元棟林心齋丁俊珊等設立藤山文明社於十境祠爲山堂秘密機關因有組織學生聯合會之舉爲清吏周蓮所查悉大捕黨人各同志遂暫避於滬廈旋即回鄉再接再厲於民前六年秘密設立漢族獨立會於古榕書院民前五年奉 國父命設立同盟會支會遂將漢族獨立會取銷改爲中國同盟會福建支會表面上則名爲丙午俱樂部民前四年藤人陳不浮以清政不綱外力壓迫憤而投海同志爲之開追悼會於

十境祠其時有湘籍彭壽松住居藤山界內亦來與會遂加入同盟會在此民前數年之間凡關於閩省存亡之事件如延建邵三府礦產爲法國所攫取者廈門港租界閩江右岸租界爲日人所覬覦者割閩換遼之議爲滿政府所主張者皆由藤山之革命機關諸同志奔走呼號力爭而保存辛亥三月廿九日黃花岡之役藤人之參加者劉元棟林溫如嚴漢民方應團林友基李長順諸人殉國者爲劉元棟其餘則僥倖生還各同志爲前仆後繼計抱大無畏之精神積極進行以橋南社爲同盟會發號施令之總機關以番船浦舍人朝林澤人同志之家中爲組織炸彈隊學生隊之機關以李啓藩同志所管理之孤兒院爲製造炸彈備辦臂章之場所其時同盟會福建支會之組織主盟人林溫如總務鄭祖蔭黃光弼李恢文書陳承澤黃魯貽劉通交際林溫如林薇孫李啓藩財政莊琳陳秀榕交通劉翰侯趙桐友庶務王鴻滋陳景松軍務馮秀山吳必震執法鄭祖蔭吳必震偵探林亞傑陳留受登記林笑山同時英華書院學生郭瑄周靖等組警醒社以響應其時藤人之在外省參加革命者林森在江西嚴漢民在四川史家麟潘訓初王藹廬在上海鄭權蔡人奇在鎮江九月十五日同盟會派林溫如鄭祖蔭在台江夾板船中與高級軍官許崇智林肇民蕭其斌會議設立革命軍司令部統轄陸軍第三十七第三十八第三十九第四十各標以于山爲根據地計劃戰略定於二十二日舉義嗣以滿人力謀戰備勢將先發遂改期十八晚四時由橋南社出發高揭義旗佔據于山林師率領炸彈隊謝雨村等運送炸彈護以洋鎗隊十九日黎明炸彈隊隊員王清銓王耀西攻入旗界爲滿人所殺江

### 藤山志

卷之三

十一

福建出版社承印

義侯陳星皆中彈陣亡王杰功傷頰陳談空傷腿陸軍陣亡者十三人至二十日滿清將軍樸壽爲十三齡之炸彈隊員劉德觀李善進等數人所俘滿人猶率隊數百人來搶爲革命軍擊退至二十一日戰事始告結束舉孫道仁爲都督由橋南社總機關製一黃色旗幟書曰「慶賀勝利」送入都督府民國元年 國父辭總統職於四月二十日抵閩以藤山爲福建革命策源地首先至橋南社受同盟會各同志之歡迎演誨後親書「獨立應」三字匾額懸於社所民三爲袁世凱黨羽汪聲玲所燬今由里人代書製匾懸之附之以跋云

### 藤山革命機構與主持人之歷史

地點	對外名稱	秘密內容	主持人姓名別號	備考
會前山 古榕書院	益聞園報社	中國同盟會福建 分會機關部	黃展雲 魯貽 鄭祖蔭 蘭燕 鄭權 仲勤	與上海前國府主席 林森相 呼應 國父直接指揮
中藤路 十境祠	文明社閱報報所	聯絡哥老會黨人 並附立山堂	林斯琛 溫如 鄒翼 燕庭	哥老會福建山堂只有四堂一 福州二泉州三南平四長門一 哥老會通過許可藤山分立一 堂都爲首領林保辛亥三月廿 九黃花岡生還義士

梅 場	橋南公益社	結識四方豪士介 紹入黨加盟	鄭守馨 季明 王鴻慈 霞軒 陳育鈞 秀榕	
走 馬 山	無	黨人加盟臨時官 誓所	嚴 驥 漢民 劉元棟 鍾羣	嚴 黃花岡 生還義士 劉 死難烈士
三 聖 王 廟		黨人臨時宿舍並 發行調查錄主編 陳與榮	陳與榮 漢新 劉元棟 鍾羣 林雨時 澤人	陳劉二君皆係黃花岡死難烈 士
倉 前 山	閩南救火會	黨人首腦集議所	林前銘 三哥	該茶行係日商借作會所
天 安 寺	春記茶行	研究製造炸彈	彭壽松 岳峯 李質文 榕藩	該院係美國人創辦得其助力
下 藤 路	孤 兒 院	培育青年灌輸革 命思想介紹優秀 學生入黨	鄭祖蔭 蘭蓀 王謙 翁奇 蔡端 笑山 林能 涵山 劉能 丙樓 陳繼 複村 林芳	組織福州學生會與上海福建 學生會互通聲氣
中 藤 路 小 嶺	益 開 學 堂			
朱 子 祠				

藤山志

卷之三

十二

福建出版社承印

革命功勳

林故主席諱森字子超號天波民國前四十四年歲次戊辰正月十八日誕生於尙幹鳳港鄉因便於求學遷居倉前山生父道炳基督信徒也高年碩德壽享八旬生母張夫人及嗣父道舉皆早卒兄弟五公居長妻鄭夫人結褵二載而歿不復娶蓋其志早存以身獻國也以三弟爲楨之子明京嗣留學美國歸任綏遠省政府秘書太康陷敵遇害

公年十六肄業於倉前山英華書院越二年台灣巡撫劉銘傳創立中西學堂派員來榕招生公投考錄取遂渡台肄習電科三年畢業委派台南電報局服務民前十八年甲午中日戰爭遜清割台灣議和公憤甚集合同學陳治安等六人依科學製造地雷組成地雷隊隸於劉永福元帥麾下彭桂森將軍營中扼守彰化之八卦山抗敵三載有奇日寇爲地雷所炸斃者不計其數彰化爲台南北之孔道八卦山其要塞也不幸漢奸粵人鄧某閩人黃某爲日寇之鄉導由荒山荆棘叢中引寇至八卦山之背彭將軍所領軍隊僅五百人皆久戰沙場之士見山前有敵下山禦之而敵人又爲地雷所炸正在追奔逐北而敵人已由山背登山山頭被佔彭將軍腹背受敵全軍覆沒彭殉國陳治安亦戰死公幸脫險避於友人倪耿如家乘夜渡帆船沿海邊回閩仍在電報局服務旋調廣東電報局民前十一年調上海電報局翌年考入上海海關同時集合旅滬同志何枚士鄭仲勁翁又鞏江屏藩蔡人奇等八人假座三山會館成立「福建旅滬學生會」推舉公爲會長同時加入者在滬同志則有史家麟陳勒